

Ү н н с е д к л ä р н

30 джилин туршарт эмчәр көдлснә хөбн, давсн хаалгъан хәләдж, умшачирт юнъгад эмч болсан медулхәр седджә-нәв.

Урл цагт хальмг куукд куун бәәдл-джиргъл дегд догш билә. Негдвәр болхла, дегд харнъгъуд бәәсн деерән, гер-булдән мухла, залугъан нерәрнъ келлуга „мана одак“ гидж келх зөвтә бәәс-мн.

Бидн хальмг герт бәәдг биләвдн. Мини экм зуркнә гемтә болсн учрар, 15-20 дуунад йовдж Ик-Дөрвдә улусд кұрч, эмчд эмнүлдг бәәсмн. Ташр деернъ, намаг долата-нәәмтәдм шарклан гем ирв. Намаг больницд кұргв. Би өбрән гемтә кевтсн улсиг узад, зуркм өвддг билә, мад-ниг хәләдг негхн эмч, күүнә зөв-учриг кұсц сонъсл уга, йовдж оддг билә.

Өдвин дуусн гемтә-зовлнъ-гта узад, теднд санан зөвх тман, нанд эмч болх ик дурн төрв. Би эмч болхар шиидвв. Мини эк нанд ягъад болв чигн сургъуль дасхкар зүткдг билә, би школд экләд орув.

Аш суулднъ 1922 джил Сарпуль балгъснд дундин школ чиләгъад, тер джилдән, Хальмг танъгъчин эрдм-сур-гъулин отделин илгәврәр, Московск негдгч государст-венн университетин медфа-культетд орув.

Тер цаг—мана орн-нутгд делгү кучр цаг билә: хот-хол хәтәр, хувц-хунр тату. Бидн, сургъуль дасджах улс, эн ик кучр түрүг даахин кер-

гт, бәәсн седкләрн, сургъульдан ухан седклән өгч, хәрү цухрл уга дасввдн.

Мини кұсл-аш суулднъ кұ-цв. 1927 джил государственн шууврән өгәд, гартан эмч ги-сн дипломта, хәрү хальмг теегурн ирүв. Цуг медрлән эврә кели әмтидән нерәдх седкл зүүвв.

Болв түрүн өдрмүдәс авн түрмшг харгъв, районн цен-трәс ууджмд, эмчин участкар гарсн багъ эмч нанд, хаджу-гъас дөнъ уга билә. Эн саамла „Участковой эмчин библиотек“ гидг, эрүл-менд харлгъни ми-нистерствәс илгәгддг дектр-мүд ик тус болв.

Йисн джил көдлхләм, на-маг хәрү Москвагъур, медрлән өбдлүлтхә гигъад хойр жи-лә курсд йовулв. Эн тоот медрлм, хөбннъ, Төрскән харс-гч Алдр дәәнә цагла, советин кесг олн улсин әм харсхд нөкд болв. 1941 джиләс авн 1945 джил кұртл ик кұнд ца-гин эргц билә, шавта улсиг эдгәдж хәрү фронтур, кұнд шавтагъинъ герүрнъ йовулх кергтә биләвдн.

Гитлерин фашистириг дархд эрүл-менд харлгънд йовсн әмтс чигн ик дөнъ болв. Хор-тан дарсн бидн эндр ик байртасуунавдн.

Эн ик хұвм, байрм, джир-гълм Алдр Ленинә Коммуни-стическ партин нилчәр өггдлә. Тегәд чигн, эндр—куукд ул-син сән өдрлә—цуг чидл кұ-чән, медрл дамшлтан олн әмтидән нерәднәв,—гидж угән өгчәнәв.

Эмч Э. АЛЕКСЕЕВА.